

坐隱先生精訂草堂餘意

坐隱先生精訂草堂餘意目錄

春意

瑞龍吟

驀山溪

花心動

魚遊春水

滿庭芳

望海潮

玉樓春

錦纏道

渡江雲

浣溪沙

五首

九首

如夢令

王漏遲

踏莎行

憶王孫

二首

柳稍青

金明池

海棠春

西江月

一首

漁家傲

千秋歲

眼兒媚

青門引

二首

浪淘沙

蝶戀花

二首

三首

蘭陵王

倦尋芳

祝英臺近

燕臺春

憶秦娥

念奴嬌

風入松

水龍吟

酹江月

鷓鴣天

摸魚兒

丹鳳吟

浪淘沙慢

憶舊遊

瑞鶴仙

清平樂

阮郎歸

滿江紅

臨江仙

應天長

訴衷情

三臺

鬪百花

卜算子 二首

武陵春

怨王孫

八六子

桃源憶故人

畫堂春

小重山

望湘人

長相思

攤破浣溪沙

生查子

謁金門

夏意

隔浦蓮

賀新郎 三首

念奴嬌

瀟湘逢故人慢

洞仙歌

雨中花

臨江仙

夏初臨

滿庭芳

浣溪沙 二首

好事近

小重山

阮郎歸 二首

千秋歲

塞翁吟

夏雲峰

過澗歇

法曲獻仙音

側犯

過秦樓

秋意

滿江紅

憶秦娥

菩薩蠻

四首

小重山

搗練子

點絳脣

慶春宮

金菊對芙蓉

拜星月慢

更漏子

千秋歲引

風流子

尾犯

宴清都

何滿子

蝶戀花

玉蝴蝶

氏州第一

疎簾淡月

霜葉飛

如夢令

冬意

木蘭花令

白苧

漁家傲

重疊金

桃源憶故人

點絳脣

滿路花

少年游

紅林擒近

醜奴兒令

青玉案

憶秦娥

早梅芳

菩薩蠻

望遠行

如夢令

草堂餘意目錄

畢



坐隱先生精訂草堂餘意卷上

新都環翠堂藏板

春意

瑞龍吟

周美成

東風路多少。小燕閒庭。亂鶯芳樹。踏殘滿地香紅。雕  
輪寶馬。行春何處。○自延竚。偶見重簾臨水。幾家朱  
戶。闌干倚困新粧。眼波密意。憑誰寄語。○裊裊垂楊  
無數。不綰閒愁。向人空舞。應笑崔護重來。容鬢非故。  
○忍淚停鞭。猶續舊題句。還念想。釵金半溜。襪羅輕  
步。事逐行雲去。○玉簫樓上傷情緒。嫋嫋音如縷。春

城晚霏霏滿湖烟。雨斷腸無柰。落花飛絮。

驀山溪

黃山谷

薄情雙燕暮。失朝還偶。樓上捲簾時。看春山兩蛾爭秀。斷腸何處。清淚近來多。羅衣透。人消瘦。正把歸期候。○傷春中酒。又過清明後。烟雨冷江城。見滿眼草茵梅豆。芳心此際。撩亂未應休。風前柳。君知否。獨立頻搔首。

花心動

阮逸女

白下橋頭垂楊樹。憔悴不堪頻折。禁火山城試花庭院。初着薄羅時節。許多心事入春來。穩付與燕喉鶯

舌難拘制。芳心一寸。柔腸千結。○欲向遠人邊說。省  
旅况。閨情。此時誰切。蓬子無根。游絲不定。山海誓盟  
空設。夜長幽思。生孤夢。經幾度。枕寒燈滅。更無柰風  
簾亂。篩殘月。

魚遊春水

陳大聲

春城斜陽裡。薄靄踈烟沉半壘。處處園林。誰爲剪香  
裁綺。紅亂薔薇錦一機。綠垂楊柳絲千縷。光景飛梭  
繁華流水。○惆悵重樓獨倚。容易東風開桃李。年年  
梅子黃時。慵粧倦洗。玉簫長日閑孤鳳。尺書何處憑  
雙鯉。芳草連天。綠波千里。

滿庭芳

秦少游

九十春光。連朝雨意，江郊一霎微晴。東皇將去，新綠  
戰殘英。飛困漫天柳絮。清江上草軟沙平。橫橋外有  
人樓上。無語抱秦箏。○輕塵生紫陌。香車油壁。寶馬  
珠纓。半度花依水。彷彿登瀛。幾度舊歡如夢。嘆年來  
白髮新驚。黃昏近。細吟歸去。鼓角動高城。

望海潮

秦少游

芳草閑雲。夕陽流水。消磨今古豪華。春色還來。人情  
不改。青鞋又踏江沙。小小畫輪車。竟闌紅爭翠。來往  
交加。多少游人。誤隨歌管到山家。○高城隱隱吹笳。

正細風。歛燕。小雨飛花。短鬢蕭騷。昔遊縹緲。等閑楚  
客興嗟。垂柳古堤斜。清陰拂馬。香絮迷鴉。不憂身外。  
祇憑爛醉。是生涯。

玉樓春

宋子京

漫游不似江堤好。柔綠柳枝輕拂棹。野堂春去燕還  
來。近市晚晴花欲鬧。○悠悠岐路相逢少。醉倒尊前  
君莫笑。年光容易變紅顏。明日試將青鏡照。

錦纏道

陳大聲

小杏繁桃。紅紫競開晴晝。假天成。不煩雕繡。一時微  
雨。香塵透。茅店青旗。斜映青驄首。○但味老身閑。每

攜君手。且到處買花沽酒。任莫教辜負韶華。問咸陽  
宮闕。歌舞而今有。

渡江雲

周美成

小堂臨野意。右橋斜去。細路接江沙。忽驚春色好。多在杏花茅店兩三家。東風底事。向暗裡偷換年華。輕  
烟外。層城睥睨。落日送歸鴉。○堪嗟。默默青山。茫茫  
江水。有片帆西下。撩人處。蘭薰衣袂。柳礙巾紗。浮雲  
遮却長安路。更無柰滿眼蒹葭。都休論放歌。且對鶯  
花。

浣溪沙

陳大聲

波映橫塘柳映橋。冷烟疎雨暗庭臯。春城風景勝江  
郊。○花盡暗隨蜂作蜜。溪雲還伴鶴歸巢。草堂新竹  
兩三稍。

又

歐陽永叔

窗外花枝上月輪。相思一枕破梨雲。強呼春酒洗心  
塵。○白髮似欺多病客。東風偏妬惜花人。却從愁裡  
又逢春。

如夢令

秦少游

枕滑玉釵斜溜。春困翠眉低皺。簾幙幾重重。又被曉  
風吹透。如舊如舊。不爲近來消瘦。

玉漏遲

宋子京

越羅應曉試。江南今歲春來早。何事東風先着岸。花汀草。整頓素鞍輕蓋。將游翫。小亭方沼。應悄悄。彩旛羅帶。看誰呈巧。○浮生拚取千金。對酒當歌。買歡賒笑。楚樹吳雲。遠客可堪疑眺。不省故園何在。漁歌送半湖殘照。音書杳。數過塞鴻多少。

踏莎行

黃山谷

細柳新蒲。艷桃穠李。長江直下清溪尾。欲從溪上避喧囂。笙歌轉覺無開地。○媚靨生春。薄衫裁綺。朱扉忽向風前啓。莫憂無酒破春愁。花香也解熏人醉。



又

秦少游

細柳平橋。蒼煙古渡。昔年倦客停撓處。江籬漠漠正  
愁人。音書底事來遲暮。○失意江州。薄情樊素。青衫  
泪點今無數。欲將離思付春江。春江又恐東流去。

如夢令

陳大聲

花外細吟。俄頃。花裏有人低應。何處却無情。引動轆  
轤金井。風靜。風靜。池水自搖簾影。

憶王孫

陳大聲

章臺狂柳繫王孫。金屋重衾。役夢魂。啼鳥春來最怕  
聞。近黃昏。猶有濃粧笑倚門。

柳稍青

陳大聲

散步平沙。濕衣吹鬢。雨細風斜。燕子樓前。杜鵑聲裏。  
幾片飛花。○春江千里無涯。望不斷。澄波暮鴉。歌舞  
娛人。風光得意。底事思家。

浣溪沙

歐陽永叔

曲角紅闌。綉幕深。月華淡淡漏沉沉。玉人有約聽彈  
琴。○香串自將溫翠被。珮聲何事戀花陰。斷腸此夜  
可能禁。

又

陳大聲

玉色羅衫映守宮。酒熏香臉暈生紅。侍兒扶過畫闌

東○涼影半窗都是月。落花滿地不因風。春光何苦去匆匆。

金明池

秦少游

細草熏衣長楊拂首。還是尋芳舊路。絆晴暉游絲百尺。纔一煞。又飛小雨。問誰家。占得春多。聽歡笑人在玉樓高處。嘆杜牧多情。秋娘已老。不見昔年歌舞。○樓外花枝誰是主。着意相看。紫騮暫住。正無人會得幽情。被歷歷小鶯如訴。看年時帶眼都移。恁憔悴。非關酒愁詩苦。最怕春來。却憐春好。此際更憂春去。

海棠春

陳大聲

隔簾鸚鵡呼名巧。孤枕夢曉窗先覺。庭草綠茵濃。天  
棘青絲裊。○耿耿深思付誰低道。爭負海棠開早。歲  
歲幾逢君。今歲逢君少。

西江月

蘇東坡

古渡水搖明月。長堤柳蠹青霄。東風人困馬聲驕。穩  
憇落花芳草。○醉夢忽游天上。高臺十二瑤瑤。輝輝  
霞彩映江橋。幾處野鶯啼曉。

漁家傲

王介甫

曲曲清溪垂柳抱。水香冉冉生汀草。柳下柴門還窈  
窕。人稀到。落花指點山童掃。○坐看夕曷林外鳥。故

園三逕歸應早。歲月無心人自老。清閑好。此情只與  
知音道。

玉樓春

晏同叔

畫樓東畔臨官路。何事薄情留更去。飛來江燕正殘  
春。開到海棠還細雨。○堤上綠楊情最苦。折損柔條  
仍作縷。短亭亭外復長亭。遙記昔年相送處。

千秋歲

秦少游

斷虹雨外。城郭輕陰退。春欲去。心先碎。花容疑笑靨。  
草色思羅帶。偏相妬。鴛鴦兩兩飛成對。○久負西樓  
會。塵滿青羅蓋。後期應不定。初志誰先改。情劇也。欲

隨精衛填東海。

眼兒嬌

王元澤

海棠無力柳絲柔。應解繫春愁。半餉歡娛。一些恩愛。轉覺難休。○天涯地角。知何處。空自倚西樓。月底閑情。枕邊私語。長在心頭。

青門引

張子野

門鎖蒼苔冷。飛絮晚來初定。一春歡笑不曾愁。等閑瘦却。知是甚般病。○騰騰好夢方驚醒。新月簾櫳靜。子規啼罷。誰遣東風。特地撩花影。

浪淘沙

李後主

風驟雨潺潺。小宴闌珊。花枝只恐不禁寒。今夕莫憂  
明日事。且自追歡。○香篆報更闌。醉倚屏山。天涯別  
去會應難。明日得閑須重約。携手花間。

又

歐陽永叔

一夜雨和風。損盡花容。玉闌西畔畫樓東。蜂蝶似知  
春色去。留戀芳叢。○離思苦苦匆匆。無了無窮。不勝憔悴  
對殘紅。縱是去年花也落。有箇人同。

蝶戀花

俞克成

何處尋芳。天乍曉。日照釵梁。撲撲春蛾鬧。吹面東風  
還料峭。茸茸綠遍江郊草。○門外雕鞍應不到。悵望

君歸不爲添消瘦。休戀異鄉春色早。人生只是家中好。

蘭陵王

張仲宗

垂珠箔。百尺畫樓朱閣。簾櫳畔。多少仙姝。箇箇新粧。妬紅藥。風光殊作惡。亂眼迷心。柳枝花萼。正此際病渴難禁。誰肯寒漿分一勺。○頻年客京洛。欲買棹還家。被春留着。閑情苦把人捐掠。經幾度虛歡。貯燈停酒。及至來時。又負約。向孤館飄泊。○閣泪強爲樂。還細雨。漸風不勝蕭索。陽臺好夢。今非昨。曾十萬腰纏。醉騎黃鶴。維揚舊事。到今日未忘却。



倦尋芳

王元澤

最愁永夜自入春來情懷却厭長晝。睡思騰騰。陡覺怕粧慵綉。淚不斷如簷溜。羅衣香怕都湮透。恨東君全不。曾知得倚門相候。○飛塵滿瑤箏錦瑟。席上尊前。負却纖手。無限閑花浪草也。無心鬪。斜日空庭風定後。芳菲滿眼。還依舊。問垂楊比腰肢。果誰清瘦。

祝英臺近

辛幼安

晚潮平。人欲渡。愁極望南浦。碧草萋萋。清江自烟雨。也知紅粉無情。故園回首。春船又待留人住。○休重覩。想倚市傾城顏色。謾勞數錦字題封。若箇爲寄語。

歡娛不是輕拋。子規啼處，勸我道不如歸去。

燕臺春

張子野

寶馬頻嘶，朱門不閉。內家侍宴方回。星彩正依微，香塵拂面吹來。綺羅屏障交開。看宮花壓帽，紅燈照導。畫輪車子，鬪響春雷。○行人住目，宿鳥驚飛，小幢輕蓋。碍柳妨梅。清風十里，霏霏滿路薰煤。既知親見，猶疑夢裏瑤臺。近蓬萊。歸來殘月下，踏影徘徊。

憶秦娥

康伯可

人寂寞，多愁不是風光惡。風光惡，傷秋短髮，向春先落。○今春又負花間約。此情更比浮雲薄。浮雲薄，似

有還無。一時消卻。

念奴嬌

李易安

朱門湖上。向淒風冷雨。爲誰深閉。迤邐湖堤三十里。吹不斷水香花氣。繫馬垂楊。惱人狂絮。若箇知風味。江南倦客。春晚又無梅寄。○常思一擲千金。評紅揀翠。醉把銀箏倚。不料而今添白髮。往事怕人說起。金谷花明。新豐酒美。到處還留意。故鄉書屋。不知江燕歸未。

風入松

康伯可

玉簫聲歇。彩鸞歸。舊事依稀。滿院綠陰。春去後。閑情

寄密葉繁枝。可意不來。今雨好。花開過多時。○小樓  
日日盼佳期。則是顰眉。斷雲殘雨。還如昨。嘆天涯。岐  
路東西。怪殺說愁。雙燕向人。不肯高飛。

水龍吟

陸務觀

十二平橋湖上路。一笛梅花弄晚。禁烟時候。乍雨還  
晴。輕寒不暖。春服重裁。紅顏未老。又聞絃管。看堆紅  
注綠。酒觴花擔。漸塞滿。閑亭館。○一刻千金。不換登  
時間。夕陽人散。嬌雲送馬。高林啼鳥。遠波低。鴈回首。  
那堪歸鴉。城郭斷鐘樓觀。擬明朝來。拾墜釧遺珥。怕  
落紅填滿。

又

陳同甫

東皇醞釀工夫。柳系柔弱莎茵軟。着意尋芳。容易春歸。莫嫌春淺。花氣蒸衣。春光潑眼。江村晴煖。王謝亭臺都非舊主。還飛入當時燕。○追念風流事遠。半零落玉釵金鴈。巫山舊夢。微雲薄雨。暮期朝散。何處無情琵琶一曲。向人彈怨。滿座中只有江州司馬。寸腸先斷。

酹江月

辛幼安

孤吟旅邸。便匆匆負了。好時佳節。紅杏墻頭初見處。自有許多嬌怯。素束清粧。輕顰淺笑。全與他人別。合

情默默。一些閑話難說。○多情却恨無情。惆悵歸來。  
立馬看新月。彩雲盡逐東風散。惟有花陰重疊。仙苑  
幽芳也。應珍重。怎許輕攀折。老天何苦。暗中添上華  
髮。

鷓鴣天

陳大聲

獨步閑庭日幾回。多愁不飲且停杯。春來先是啼鶯  
覺。花早勿勞細雨催。○新白髮。舊青鞋。逢春那得好  
懷開。東風挽得行雲住。疑是秦娥度曲來。

摸魚兒

陳大聲

誰叫落滿林紅雨。子規聲催將春去。惜春合向花前

醉莫計酒杯行數。春不住。全不顧綠陰冷淡城南路。  
問春不語。怪東風爲誰作惡。則管吹狂絮。○青樓夢。  
懊恨當年錯誤。惹教燕鶯相妬。離情欲倩江淹賦。切  
處向人難訴。歌與舞。俱消歇。客衣蓬髮猶塵土。何勞  
自苦。幾欲不思量。沉吟又有一點不忘處。

丹鳳吟

周美成

開尊何處。正在鬪鳴池塘。飛花臺閣。輕塵不到。窈窕  
繡屏朱幕。殘春時候。一番雨過。水面風清。樹頭雲薄。  
拚醉花前。休論身外些子。虛名輕似。鴈角。○鎮日放  
懷消遣。近來何事情。轉惡。少箇知音在。只恐他那處

巫山夢好把雨雲重握。病餘肌骨。真不奈銷鑠。豈堪  
青鏡。漸漸鬢毛凋落。這等淒涼誰問着。

浪淘沙慢

陳大聲

輕烟散蒼涼初日。半明城堞。應是孤舟早發。陽關先  
唱一闕。省對面那人腸寸結。手牽定弱柳羞折。正萬  
縷千系同妾意。君恩從此絕。○情切綠蕪平野空濶。  
忽風度角聲到耳處。便覺腔轉咽。後會難期。莫便輕  
別。青尊不竭。自清晨只話到江橋新月。望裏雲山千  
萬疊。知明夜誰家馬歇。可思念青銅鸞影缺。徘徊久  
無計。相留傷行色。桃花零亂飛紅雪。



憶舊游

陳大聲

怪情懷太惡。人去昨朝。腸斷今宵。亂髮如秋草。任頻梳細櫛。只是蕭蕭。紙窗靜鋪明月。風定竹還搖。恁憔悴休疑。無心花朵也解紅銷。○追思正年少。慣走馬章臺。逐對聯鑣。酣醉歸常晚。被花牽柳絆。燕請鶯招。而今舊游還在。波浪沒藍橋。聽春盡隣家。玉笙空自吹碧桃。

瑞鶴僊

歐陽永叔

落紅誰印。午夢醒雲鬢無人爲整。香消博山冷。欲起來生怕益朱勻粉。黃鶯何處盡情啼。新梧小井向闌

干畫損金釵。九十好春將盡。○深省歡娛都過。寂寞  
誰知。這般光景。蛛絲鵲噪。何曾見一番准。既無情。休  
把音書頻寄。且待歸來。細問問東君。夜夜心神。可能  
安穩。

清平樂

趙德麟

長條新舊。忍見河橋柳。春到鶯黃初染就。又是送行  
時候。○正當洛下東門。風風雨雨銷魂。報道雕鞍去  
也。斷腸怕到黃昏。

阮郎歸

歐陽永叔

夕陽樓上夢回時。樓前驕馬嘶。生憎楊柳妬蛾眉。楊

花晴更飛。○香臉淡。翠裙低。傍闌纖手垂。晚涼吹上六銖衣。近人螢火飛。

浣溪沙

陳大聲

小院深深燕不飛。闌干十二映晴暉。行雲初向夢中歸。○蟬鬢風撩雲影亂。粉腮紅印枕痕微。玉人中酒乍醒時。

滿江紅

張仲宗

斷送好春風。又雨。果因誰惡。鎮日無聊。遠書不到。舊病仍作。萍梗隨波去。復回。楊花作雪飛還落。怪王孫何事不歸來。常飄泊。○旣知得。情全薄。却又怕人提。

着。且寬懷一盞。自家斟酌。正是怯寒樓上坐。東風又把簾衣約。見春山點點割愁腸。青如削。

蝶戀花

宴同叔

晝永湘簾通乳燕。闌角新晴。風觸蛛絲亂。滿地蒼苔人不見。淡烟冷落垂楊院。○樹樹好花開欲遍。閣淚看花。花貌欺人面。千里青山勞望眼。行人更比青山遠。

又

蘇東坡

花拂壺觴香徑小。醉客麤豪。不厭笙歌繞。離別常多相聚少。大家着意憐芳草。○耳畔有人低說道。白髮

無情切莫孤歡笑。歡笑須臾終悄悄。明朝世事還來惱。

浣溪沙

周美成

春柳樓前鎮日垂。春江門外渺無涯。春禽杳杳浪成梯。  
○珊瑚枕是誰驚午夢。琴床頻見墜香泥。燕雛飛過鷓鴣啼。

玉樓春

溫飛卿

好花看遍城南道。爛醉重來藉芳草。勝地那容俗客游。  
更籌只許佳人報。○清歌近樹鳥頻驚。狂絮滿階風自掃。  
春光休笑白頭人。借問春光爲誰老。

臨江仙

晁無咎

媚景佳辰都負却。緘情錦字空收。春江渺渺滯歸舟。  
夢中猶說夢。愁外更生愁。○幾夜碧桃花影下。怪他  
新月如鉤。嶺雲江樹滿西樓。不知雲樹外。何處是并  
州。

玉樓春

歐陽炯

禱隱芙蓉屏障錦。日滿粧樓人獨寢。杜鵑何事不留  
春。胡蝶有情還戀枕。○花開酒熟愁仍甚。花下玉簫  
誰待品。寂寥不是厭韶華。他日逢君須滿飲。

浣溪沙

秦少游

金鴨烟消冷篆香。翠盤歌歇罷霓裳。小梁雙燕爲誰忙。○春夢也應隨日短。柳絲非是爲愁長。慳慳過了好時光。

應天長

寒食

周美成

江城又寒食。笑白髮南州客。誰解我宦居春寂。守文園渴病經年。謬稱通籍。○此日正思家。流水柴門絕。勝椒圖壁。遂得二疏心愿。重歸舊田宅。步入春風巷。陌杳不見紅塵踪跡。一程程花柳相迎。似曾相識。

訴衷情

陳大聲

闔閭門外百花洲。花片逐春流。不見昔年歌舞。孤角

起樵樓。○人意好。酒香浮。且追游。古臺荒砌。平湖落日。切莫回頭。

三臺

清明應制

万俟雅言

看年年陪宴節候。經過幾番微雨。占春光不獨鳳樓臺也。自有鷺洲鴛浦。弄東風細柳。金千縷。錦障布四圍。紅霧。及良辰未見花開。聞

詔遣玉奴催鼓。喜遍賜薄羅小扇。一晌忽驚寒去。擁天成圖畫。列青眉紫袖。盡楚姬吳女。○石紋平甃玉夾輿路。東西映綺窗雕戶。啼鶯近似和清歌。飛蝶小。誤疑輕絮。賀昇平明日再賞。荏苒夕陽將暮。意此身



何幸宦

清朝幾得到九重深處。回首早翠烟浮絳炬。聽珮聲歸下臺府。諸文武特從宸游。報四海天停戎務。

蝶戀花

趙德麟

盼將春來春又去。滿院飛花。那識春歸處。着意留春春未許。惱人無奈風和雨。○孤悶柔腸知幾縷。怨別傷春更覺多頭緒。夢裡尋君常錯誤。悠悠南北東西路。

鬪百花

柳耆卿

隔竹小桃鮮媚。相映野塘叢樹。鳧鷖穩占平莎。蜂蝶

新唐詩集卷之八  
自隨狂絮。整粧罷却風流。挑菜也無情緒。寂寞深局  
戶。○厭病長愁。都把青春虛度。向杜宇啼時。綉針停  
處。損盡柔腸。見人佯作歡娛。不住淚珠如雨。

西江月

陳大聲

長日餘花自落。無風弱柳還搖。閑愁多少寄眉梢。一  
枕曉鶯啼覺。○金鴨漸消香篆。玉觴罷勸春醪。相思  
暮暮又朝朝。不省何年是了。

卜筮子

僧皎如晦

惜別更傷春。人住春難住。胡蝶紛紛最惱人。也過西  
家去。○人已逐春歸。忍見江亭路。九十韶光自不容。

何必憎風雨。

如夢令

周美成

行到柳塘清處。閑看錦鱗吹絮。好句費吟哦。迷却柳邊歸路。無緒無緒。花落滿林紅雨。

武陵春

李易安

汨汨離愁消不得。閑步向大江頭。離愁萬斛幾時休。江波日夜流。○去年曾踏江臯路。柳下送郎舟。今歲垂楊也繫舟。知又有幾人愁。

怨王孫

陳大聲

夢回悄悄。被春懊惱。重戶扃春。薄衾戀曉。杜鵑叫落

殘紅不因風。○對花欲問春歸處。匆匆去。好景都辜。  
負自期。自然怨。可能化作行雲。遠尋君。

八六子

秦少游

近江亭。問他江草。因甚喚得愁生。見楊柳倚風。清瘦。  
花枝照水。分明黯然自驚。○何人爲念娉婷。歷歷新  
鶯多事。遲遲舊鴈無情。對媚眼春光。娛心樂事。二難  
四美未易相并。明月爲誰圓缺。浮雲隨意陰晴。晚烟  
凝。又添歸鴉數聲。

眼兒媚

陳大聲

簾幕低垂。護得寒。數曲小闌干。海棠紅重。薔薇香膩。

卽漸凋殘。○清明過了，恹恹病。刀尺一春閑，怕聽羞  
鳥。夢裡關山。

北原意故人

陳大聲

雲白弄紗窗。曉春夢此時醒了。可怪玉籠嬌鳥，說出情多少。○風裡綠楊垂裊裊。時把畫闌輕掃。一院  
艷紅都老。倦眼迷芳草。

畫堂春

陳大聲

相思春夢許多長。小樓睡熟殘陽。起來剛暖玉爐香。  
自覺慵粧。○芳草望中千里，綠波何處三湘。爲郎欲  
整舊衣裳。肥瘦難量。

小重山

趙德仁

花竹深深日上遲。小簾初捲處。燕交飛。再乘餘興弄  
殘卮。驚午夢。鵝鴨滿芳池。○誰畫遠山眉。薄情京兆  
尹。去多時。伶仃孤影怕相隨。雙蝴蝶。爭舞海棠西。

望湘人

賀方回

糝地殘紅。障圍新綠。好春將過多半。梅子酸心。藤稍  
刺眼。怕見繡簾鈎晚。鳳枕寒。鴛衾夜剩。倩誰生煖。  
恨楚臺雲冷。秦樓月滿。吹簫無伴。○情似遊絲不斷。  
經幾朝。間濶便知疎遠。竟失却桃源。自是劉郎緣淺。  
桃花洞口。胡麻溪畔。虛望玉真樓觀。獨不見青鳥飛

來空有許多鶯燕。

長相思

馮延巳

恨花枝。問花枝。何事今春放較遲。歲華能轉移。○許  
佳期。誤佳期。冷落門前鞍馬稀。不同君見時。

攤破浣溪沙

李景

楊柳梢頭月一鉤。黃昏無語倚西樓。滿眼斷雲連剩  
雨。兩悠悠。○燭到殘時方罷淚。人從閑裡易生愁。無  
奈少年光景去如流。

浣溪沙

二首

陳大聲

且稱紅顏勸酒杯。習家池上好亭臺。好光陰去不能

回○獨艷却留春。後放美人偏向雨中來。夕陽有意待徘徊。

歸鳥投林倦不飛。老翁飲社醉如泥。透簾花霧濕春衣。○滿院綠苔無客到。暎門修竹有鶯啼。山林清趣幾人知。

卜算子

晏同叔

淺笑囑東君。暫爲停嬌馬。日短不成歡。燒燭論今夜。○把酒問春光。前月荼蘼謝。不見一花飛。晚景遲遲下。

生查子

秦處度



從小束腰肢。不是因郎瘦。自有春愁在兩眉。不省郎知否。○落日正飛鳧。記得會分手。恐見垂楊折後枝。還拂杯中酒。

謁金門

陳大聲

懷南浦。正是冷烟疎雨。一片離情隨去櫓。回首重重樹。○此意却依誰語。化作彩雲飛去。今日欲尋南浦路。忘却停杯處。

如夢令

歐陽永叔

翠幙玉鈎雙控。春曉繡衾寒重。搔首起來時。不顧短釵欹鳳。情動情動。咲倩小紅評夢。

如夢令

陳大聲

二剪小園  
鴛羅帶牆

因此時方解。含笑上鞦韆。再束繡  
得那人先在。

坐隱先生精訂草堂餘意卷下

新都環翠堂藏板

夏意

隔浦蓮

周美成

紅闌相映翠葆。素飾軒窗窈。簾靜翻雛燕。庭閑度輕  
鳥。砌綠叢幽草。蜂還鬧。殘絮飛池沼。荷盤小。○無聊  
睡起。再將芳醕傾倒。一醉都忘。任取世情昏曉。茶臼  
敲餘客初到。爲問斜陽尚在林表。

賀新郎

葉夢得

長日無人語。伴西齋圖書萬卷。牙籤無數。午夢醒來

酒未醒。欹枕閒看蝶舞。惟此處堪消炎暑。細細南風  
吹着面。喜高槐萬葉鳴齊。女覺微涼。有如許。○宛然  
身在瀟湘渚。近幽牕紅闌碧甃。或飛香雨。滿眼金蘭  
還可佩。欲覓三閭問取。聽瑤琴寄情誰與。天送美人  
期不至。好關山不是兵戈阻。碎柔腸幾千縷。

念奴嬌

僧仲殊

池亭落日。纔倒盡。瑤杯碧筒重酌。時有清颺生絳綵。  
坐近小簾低箔。美事娛心。餘音戀耳。錦瑟初停却。百  
竿修竹。粉痕初迸新籜。○隨意散髮披襟。休言天上  
有紫薇臺閣。飲社高陽。皆故舊。不厭暮期朝約。風月

清閑功名淡薄。彩筆情堪託。淵明高臥北牕。誰道蕭索。

瀟湘逢故人慢

陳大聲

清江避暑。有敞亭依柳。幾處行窩。日將午。風初定。參差簾影。細漾層波。枕書臥起。聽新蟬正咽涼柯。輕雲送半江烟雨。誰家艇子披蓑。○瀟湘意非點染。見方方水禽沙鳥飛過。綠樹更婆婆。映幾簇紅榴。萬點圓荷。何時載酒賞韋娘。一曲清歌。須喚取教坊隊子。尊前協奏雲和。

洞仙歌

蘇東坡

殿角涼生。漸消卻香汗。水上瑤臺露華滿。流螢知幾點。恰繞井欄飛箇箇。忽被細風吹亂。○自搔雙短鬢。仰面開看。似覺高城礙銀漢。愛月故眠遲。月也令人不肯放翠桐陰轉。試問取樽中有酒無。拚解下金魚隔牆重換。

雨中花

王逐客

別院笙歌來斷續。開一派羽絲宮竹。愛繞樹停雲。穿花度幙。響應闌干玉。○此恨謾勞題錦軸。且吟對滿園新綠。往事難追。舊歡如夢。忍聽新翻曲。

臨江仙

歐陽永叔

斜日採蓮歌乍歇。有聲却又無聲。半湖殘雨落霞明。  
新秋未到。先有嫩涼生。○一段相思湖水上。搖搖不定。  
心旌。暮山高下暮雲平。行人不渡。只有斷橋橫。

夏初臨

劉巨濟

密柳籠堤。早蓮出水。望中水遠堤長。碧瓦樓臺。亭亭  
萬箇修篁。況是春花飛過了。隔牆別有花香。長安倦  
客。塵心到此。也自清涼。○是誰塗點。幽堦曲砌。榴紅  
槿白。草綠萱黃。壺觴戀我也。應我戀壺觴。醉喚紅粧  
看金釵玉燕。行行近銀床。梧桐月來。影蔭長廊。

滿庭芳

周美成

醉傷清溪坐。臨明月。月中扇影同圓。熏爐深夜。不斷  
水沉烟。何處清聲到耳。粉墻邊。流水濺濺。餘歡在。咲  
攜樽俎。重上納涼船。○忽時豪興發。停燈拂練。揮筆  
如椽。向藕花香裡。楊柳橋前。桃葉桃根何在。歎銀箏  
零落朱絃。風光好。不須歸去。且對白鷗眠。

浣溪沙 二首

陳大聲

雨浥荷花十里香。柳風吹鬢不勝涼。悠悠雲影共天  
光。○紈扇寫情留醉墨。彩舟乘月泛迴塘。舊游一一  
費思量。

乳燕將營棟壘成。水禽輕踏露荷傾。日長無事坐幽



亭。○哀角暫停蟬正咽。奕碁初動鶴先驚。斷虹雨外  
報新晴。

好事近

蔣子雲

纔見楝花殘。又是海榴風落。漸覺幾分涼意。到水邊  
虛閣。○許多白髮上頭來。世事都非昨。好買五湖舟  
子伴漁樵棲泊。

小重山

陳大聲

楊柳垂簾綠正濃。繞欄隨砌。萱草叢叢。玉人環珮響  
丁東。雲屏隔。吹出麝蘭風。○竚立小房櫳。總然相見  
得。也成空。兩心那許便相同。青鸞信。恐在御溝中。

阮郎歸

蘇子瞻

夕陽滿樹亂鳴蟬。飛塵滿舜絃。重門靜掩斷茶烟。偏  
愴清晝眠。○新竹亂。碧蕉翻。南山青兀然。酒醒汲井  
漱清泉。槐陰午正圓。

賀新郎

陳大聲

曉日明金屋。起來時淡粧初罷。幾番熏浴。門外有誰  
催侍宴。重整釵金鈿玉。全不比司空見。熟爲雨爲雲  
都不解。向樽前只唱新歌曲。更不管閑絲竹。○綠鬢  
冉冉修眉蹙。問蒼穹可教怜我。客懷孤獨。交錯酒籌  
君莫較。且看纖腰一束。宜迴避。凡紅常綠。歌罷向人

嬌不起。寄等閑蜂蝶。休窺觸。還宜把繡簾。簌。

千秋歲

謝無逸

矮闌迴砌。時有薰風細。正楊柳三眠起。燒空榴火艷。  
近井桐陰翠。調琴罷。熏香又待催人睡。○錦字倩誰  
寄。滄海愁難洗。初病後。今年裡。淺紅都褪臉。舊淚多  
凝袂。休猜忌。開門只是清如水。

阮郎歸

曾純夫

孤鸞青鏡掩清光。漫漫幽恨長。綠陰漸滿小池塘。韶  
光因底忙。○波不定。絮輕揚。晚來風太狂。相思坐盡  
玉爐香。月明空滿梁。

塞翁吟

周美成

小閣臨清景。千章夏木青蔥。山無數。大江東。削萬朵  
芙蓉。西郊三月全無雨。火雲似欲燒空。微靄散碧簾  
重。返照斂餘紅。○忡忡。舊事業。蹉跎夢裡。閑歲月。消  
磨醉中。儘長日撫松看竹。何須問玉帛。徵求紫誥泥  
封。君看靖節。容易歸來。三徑清風。

夏雲峰

陳大聲

小門深。孤榻靜。正是晝漏沉沉。何必尋幽問勝。郭外  
江濤。輕風霎雨。喜清涼。滌盡煩襟。長日有瑤琴三尺  
是知音。○紅塵奔逐無心。歷乾坤。許多俯仰。曾禁回

首功名已過。老病交侵。昏昏高臥。細賡和楚些陶吟。  
穩受用高槐翠竹。密影踈陰。

過澗歇

柳耆卿

綠樹滿北隣。南里新足。四郊時雨。念孤旅。故國腴田。  
數頃草屋。依淮浦。虛名絆。山靈爲倩誰傳語。○此際。  
應痛我。幾入夏。經春盡。從愁裡。無方避塵暑。飛夢游。  
神松堂竹院。露臺月館。人間別有清涼處。

法曲獻仙音

周美成

水殿烟消。露臺風快。坐見客星時度。宿鳥移柯。踈螢  
積草。寂寞夜深扃戶。正絃扇初拋處。涼生夜來雨。○

向誰語。有春蠶似我。撩亂心緒。嗟好事難成。易阻。欲  
賦洛神辭。記難真一段媚嫵。顛倒芳心。數番虛寫霜  
素。想天涯海角。只是夢魂飛去。

側犯

陳大聲

挈歡扶醉。溫泉浴罷。新粧靚。明月上。一片瑤天弄飛  
鏡。尋涼依露草。設宴臨香徑。爐烟凝。客袂池風亂。荷  
影。○水壺玉碗。相對金清瑩。應自省。白頭人。還是舊  
荀令。報道更深。天街久靜。素手重攜。繞吟桐井。

賀新郎

趙文鼎

雲幕風初捲。傍西池樹屏濃繞。草茵香展。滿酌瑤杯

聊自飲任取笙歌別院風。流事年來覺懶，莫道靜中  
真寂寞。日長時自有流鶯囀。看景趣更無限。○海榴  
泣雨嬌紅顫。短墻頭柳枝綠短。竹梢青亂。小簾矮床  
隨處好。偏稱綸巾羽扇。裊翠縷一絲香篆。自倒玉山  
沉醉也。又蛾眉新月簾櫳晚。隔紅塵許多遠。

過秦樓

周美成

午景移簷。好風吹座。睡鴨寶香燒斷。幽歡暫隔。宿寵  
猶存。詩句錯題秋扇。試點檢。曲闌邊。榴放何枝。萱黃  
幾箭。鎮多愁。怕見長安日近。楚臺人遠。○誰待問雲  
冷歌臺。塵生粧鑑。纖手搗紅羞染。香肌損盡。白髮添

多。只有此心難變。自東君別後。獨保真誠。何嘗咲倩。  
寫相思不盡。封寄春衫淚點。

秋意

滿江紅

趙文鼎

獨上高臺。殘月曉。露華猶濕。臺上見。萬里澄江。古磯  
荒蹟。秋水無痕。涵上下。浮雲有意。遮西北。想當年。宋  
玉賦。應哀傷秋色。○恁憔悴。江南客。經幾度。蘋花白。  
歎魚鴈。消沉。關山阻隔。伯業雄圖。何處問。倚闌干。送  
目中原極。無愁中生。出許多愁。填胸臆。

憶秦娥

李太白



聲嗚咽。孤城曉角吹霜月。吹霜月。不堪暝色惱人離別。○登臨况是愁時節。英雄舊恨何年絕。何年絕。白烟涼草。六朝宮闕。

菩薩蠻

二首

秦少游

彩雲夢斷珊瑚枕。西風愁碎霜林錦。風景正蒼涼。山長水更長。○懶粧依翠幌。細雨粧樓暗。早是怯孤眠。薄衾容易寒。

秋聲颯颯凋梧葉。驚烏繞樹啼三匝。銀漢正低垂。星依銀漢飛。○舊愁知若許。短髮愁千縷。吹笛不堪聞。月明江上村。

小重山

汪彥章

楚客孤舟繫晚汀。楚江空濶處。楚山青。青燈一點對  
踈螢。無人語。搔首滿天星。○往事記丁寧。玉京人相  
隔。幾郵亭。遙知新病倚雲屏。天邊鴈。今夜更難聽。

搗練子

李太白

金井冷。碧梧雙。一片秋聲鬧客窓。欲拂斷牋題數字。  
寂寥誰與別銀缸。

點絳脣

汪彥章

席上羞歌春。嬌爲倩風扶起。內家高髻。小結西山翠。  
○薄薄仙雲。誰與裁輕袂。臨秋水芙蓉無二。咲把璫

詞倚

慶春宮

柳耆卿

故里荒烟，平居涼靄，清江曲抱孤城。亂渚黃蘆，倚岩  
踈樹，吹來滿耳秋聲。窮途蕭索，歎楚客年來鬢星。且  
宜尋樂，莫爲虛名，到處羈縈。○青娥皓齒相迎。美酒  
嬌歌，好慰飄零。半晌奇歡，幾多微語，正當月白風清。  
却嫌更漏促，暫一覺高唐夢成。只恐明夜，細雨寒窗，  
更是傷情。

金菊對芙蓉

康伯可

山雨塗青，柳風梳翠，霜林紅暎清暉。正蓴鱸興起，遠

客將歸。扁舟艤遍秋江上。覓芙蓉。今歲開遲。自鷺還  
咲。心猶未定。書去多時。○有人憔悴重幃。怨繡衾鴛  
冷。青鏡鸞飛。望長安不見。咫尺雲迷。休文近日。慙衣  
帶。想韋娘也瘦。冰肌。兩地相思。五更清淚。若個先垂。

拜星月慢

周美成

冷雨鳴窗。淒風撼樹。轉覺秋燈易暗。歷歷清砧。起誰  
家深院。村離思似絕。滄溟白石。應是幾時枯爛。水性  
萍蹤。定何年重見。○風流舊有如花面。春城好。馬繫  
秦樓畔。許多綠意紅情。肯匆匆分散。縱音書誰信。眠  
孤館。數長更。閣淚頻。嗟嘆。纔夢裡。一霎相逢。被曉鐘

撞斷

更漏子

溫飛卿

角吹愁。砧搗淚。催起小窗鄉思。梧葉老。菊花殘。又增  
今夜寒。○更無奈風兼雨。此際離人最苦。尋短夢。聽  
秋聲。秋堂孤燭明。

千秋歲引

王介甫

蒼靄天涯。殘霞樓角。一鴈沉沉度寥廓。客懷蕭索。怕  
逢秋不堪。短髮逢秋落。好風光。閑歲月。今非昨。○老  
去怕教塵事縛。虛名何用。登麟閣。說地談天都罷却。  
解組欲尋彭澤意。探芝先訂商山約。聽晨鐘。驚暮鼓。

清江直學堂餘意

說堂一環

休提着。

風流子

張文潛

幾朝風又雨。匆匆裡斷送一番秋。看小砌閑庭。矮籬  
荒圃。菊殘桂老。蝶懶蜂羞。傷情處。青衫淹客淚。白髮  
上人頭。物換星移。昔非今是。冷烟衰草。金谷瑤樓。○  
來年知健否。榮枯真一夢。身世悠悠。且喜雞壇人在。  
酒盞香浮。好尋歡覓笑。僧窗道院。歌臺舞榭。儘可消  
愁。記取西風落帽。千古風流。

尾犯

柳耆卿

驚夢錯疑人。却是西風吹動鈴索。夢裡形蹤。但覺茫

邈屏山薄燭影孤搖。庭院悄簷花細落。怪多情舊寵  
新歡。一旦拋却。○當初先不合。邂逅便教心諾。暮逐  
朝陪。又何會違約。奈等閑離去。幾辜負清歌淺酌。客  
囊金在。又將恩愛誰行博。

宴清都

周美成

永夜沉鐘鼓。覺眼底淒涼甚。似前度。非風非雨。鬪枝  
浪葉也來敲戶。彩鸞依舊飛回。望不見吹簫伴侶。文  
園病倒相如。千金却買誰賦。○錦機織就回紋。無人  
解得。縈愁繫苦。點點征鴻。不報平安。向南飛去。天涯  
有日相見。須細問留連甚處。便尋常歡笑都忘。初情

記否。

何滿子

孫巨源

紅葉聊題舊恨。朱絃忽變新音。逆旅偏傷秋色晚。異鄉重九將臨。照夜疎燈缺月。敲愁斷杵清砧。○寒露滴殘蕉葉。西風攪碎桐陰。一片惱人眠不得。江淹只恐曾禁。不省桃源舊路。總然有夢難尋。

蝶戀花

晏叔原

媚綠嬌紅都數遍。獨有秋娘。淺淡陪秋宴。舞歇翠盤歌罷扇。湘裙六幅垂銀練。○念想經年初識面。軟語柔情。恰似曾相見。人背小樓明月轉。從今歡愛都成。



怨

玉蝴蝶

柳耆卿

一段江南秋色。遙山擁翠。遠水搖光。非霧非烟。非塗  
非染。望中自覺荒涼。度極浦。鷗輕鴈小。亂平洲。蘋白  
蘆黃。最堪傷。天涯咫尺。音問茫茫。○思量。新來惹得  
一身愁苦。兩鬢風霜。嶺雲江水。却從何處。認瀟湘。陽  
臺賦。虛勞宋玉。藍橋事未濟。裴航。徘徊久。歸鴉數點。  
又送殘陽。

氏州第一

周美成

漫野蕭條。殘陽冷淡。遠山轉覺青小。鴈影沉吳。江流

入楚。故鄉消息縹緲。病起潘安。臨水鬢毛羞照。姁態芙蓉。關情楊柳。不知人老。○懊惱常多歡聚少。鎮日被愁縈繞。世路縱橫。是非顛倒。美玉慚空抱。小前程何足問。且歸去。仰天大笑。四十年來一夢中。而今盡曉。

疎簾淡月

張宗瑞

酸風細細。也會把牕前。碧蕉吹碎。寒漏沉沉。陡覺布衾如水。忘憂縱是終朝醉。剛醒後。便添憔悴。楚館閑情。秦臺舊意。不須提起。○年少常從醉裡。弄玉搏珠。舞紅歌翠。爭解桃源。回首不通塵世。而今方識淒涼。

味望絕錦鱗千里吟銷絳燭落葉驚鴉轉教難寐

霜葉飛

周美成

夜闌珊枕回孤夢一聲新鴈雲表碧梧翠竹影交加  
正秋堂清悄。啞啞隣雞唱曉。半鈞霜月窺簾小。見翠  
幕凝寒。有一點殘燈短焰向人猶照。○幾遍誤說還  
家。終是無憑。番厭音信頻到。欲尋絃上訴淒涼。把箜  
篋羞抱。一曲離鸞未了。西風吹入高駢調。君只道關  
山杳。眼底行人又歸多少。

菩薩蠻

李太白

幾家破屋人猶織。蟋蟀淒淒夜燈碧。歡笑在西樓。誰

米言里 生有 二  
二二  
伶機上愁。○瘦馬溪頭立。一片傷心急。月上問歸程。  
寒烟深野亭。

又

秦少游

多愁短鬢經秋白。照人好月因誰缺。陡覺枕衾寒。夢  
殘燈亦殘。○何處尋消息。絡緯鳴秋急。恰待寫相思。  
寸心如亂絲。

如夢令

陳大聲

深夜客窗纔睡。不省寒蟬何意。飛近耳邊來。說出許  
多心事。相似相似。細聽有腔無字。

冬意



一身難側疑是吟蒐等閑誤入瑤城銀國造化應誰識此真消息

漁家傲

陳大聲

索咲看梅梅欲綻風吹一夜枝頭遍應是江南天氣暖游蜂懶夕陽困抱花心滿○萬里遙天雲幕捲寒林簇簇瑤山遠笛裡梅花吹又斷江城晚不堪蓬鬢霜風亂

重疊金

黃叔賜

小梅香冷瑤臺雪雪光皎妬紗窗月窗裡有佳人幾般相鬪清○誰能憐獨客小枕歛終夕飛夢去江干

又添驢背寒。

桃源憶故人

秦少游

多情自是風流種。天與精神誰共。日午畫蛾簪鳳。錦障攏榆擁。○小闌春意梅邊動。驚起梨雲香夢。隔屋恁般寒重。猶把鸞簫弄。

點絳脣

汪彥章

戀月徐行。明河耿耿。繁珠斗。幾番回首。顧影憐清瘦。○月下星前。少箇人攜手。歸來否。早梅開後。共飲椒花酒。

滿路花

周美成

輕歌聲入雲。小舞肌迴雪。秦樓論聲價。真高絕。一搦  
腰肢。只恐風吹折。幾朝成間闊。又見春生。正當暮冬  
時節。○滿眼穠花。冷暎榴裙血。殷勤杯到手。佯羞接。  
向人無語。掩燭私情切。且把歡娛說。休問道。天明還  
有離別。

少年游

陳大聲

玳瑁陳筵。芙蓉簇障。春色注金橙。白雪腔新。沉香火  
煖。玉手弄瑤笙。○銀河流去。參橫午。報道又殘更。醉  
興方濃。有人門外。騎馬踏霜行。

紅林擒近

陳大聲



瘦竹叢低翠。古梅生細香。饑鳥語。璫樹寒波淨。銀塘掃雪自烹佳茗。開樽喜近晴窗。又何用。喚紅粧。幽谷韻。笙簧。○皎月照几案。微烟渺江鄉。愛他釣叟。一簑穩。占漁梁。老梅香處。翠羽啼時。無邊清氣歸詠觴。

醜奴兒令

康伯可

銷金帳底人如玉。歌繞梨雲。月印梅痕。次第笙歌一片春。○乾坤別有清高處。瀟洒江村。靜掩柴門。僵臥藜床傲世人。

青玉案

陳瑩中

寒山一帶銀屏繞。見宇宙。冰壺悄。擊壤西疇農預曉。

臘前三白。豐年相報。調燮歸元老。○玉鸞白鳳飛顛倒。正竹下柴門爲君掃。清溪流水斜橋淡月不減山陰好。

憶秦娥

陳大聲

垂簾幕。金蟲零碎燈花落。燈花落。滿天涼月一聲鳴鶴。○離愁汨汨香醪薄。故人不見真蕭索。真蕭索。夜深不寐。重登西閣。

早梅芳

周美成

院宇深。風光好。南國春將到。是否梅開。醉把紅燈試高照。香浮殘雪動。影弄寒蟾小。又誰家。却把羌笛奏。

天曉。○酒微醺。歌未了。愁上長安道。清霜凝袂。漸覺  
踈星沒雲表。聞雞茅店遠。度柳山橋抱。迷茫中不知  
前路杳。

菩薩蠻

陳大聲

月輪低轉紅欄曲。竹枝冷動踈叢綠。不見越溪舟。夜  
深空倚樓。○君舟知未發。且對庭中雪。歲暮好相看。  
梅花偏奈寒。

望遠行

柳耆卿

老梅近水黃昏疑是素娥飛下。凍雲初斂。滿月俄升。  
一片冷光流瓦。誰道三冬風景。祇宜江上。庭院正堪。

圖畫一刻比春宵。更須增價。○清雅時見松梢風動。  
細雪向人輕洒。醉眼模糊。吟魂冷淡。彷彿誤眠瑤野。  
翠羽頻啼。羅浮何處。孤影久依芳樹。覺參橫斗轉。方  
驚殘夜。

如夢令

陳大聲

日晏繡簾初掛。雪滿小樓鴛瓦。睡起覺寒輕。坐近玉  
梅窗下。粧罷粧罷。眉黛倩誰重畫。

精訂草堂餘意卷下

非